



REPUBLIKA E SHQIPËRISË

KËSHILLI I QARKUT BERAT

Nr. 973/8 Prot.

Berat, më 29.06.2021

VENDIM

Nr. 15, datë 29.06.2021

Për

miratimin e rregullore së brendshme të funksionimit të Komisionit për shqyrtimin e kërkesave për shpalljen ose njohjen e statusit “Dëshmor i Atdheut”

Në mbështetje të Ligjit nr. 139/2015 “Për Vetqeverisjen Vendore “Kreu XIII” Përberja , Krijimi, Mënryra e Organizimit dhe Kompentecat e Këshillit të Qarkut”, Ligjit nr. 109/2018 “Për Statusin e “Dëshmorit të Atdheut” Kreu III, “Organet e Paraqitjes së Kërkesës, të Propozimit dhe Marrjes së Vendimit”, neni 11, “Komisionet Vendore” pika 5, Udhëzim nr. 343, datë 10.06.2002 i Komisionit Qëndror të Statusit të Dëshmorit të Atdheut, “Për zbatimin e vendimit të Këshillit të Ministrave nr. 151, datë 25.04.2002 për Statusin e “Dëshmorit të Atdheut” Paragrafi I “Kriteret dhe Dokumentet për Njohjen e Statusit të Dëshmorit të Atdheut, pika 1 dhe pika 2 gwrmat “a” dhe “b”, Paragrafi II “Organizimi dhe Funksionimi i Komisionit të Këshillit të Qarkut, pikat 1-7, Vendimit nr. 11, datë 17.03.2021 i Këshillit të Qarkut Berat “Ngritja e Komisionit për shqyrtimin e kërkesave për shpalljen ose njohjen e statusit të “Dëshmorit të Atdheut”, konfirmuar nga Prefekti me shkresën me nr. 199/1 Prot .,datë 29.03.2021,

VENDOSI:

1. Miratimin e rregullore së brendshme për funksionimin e Komisionit për shqyrtimin e kërkesave për shpalljen ose njohjen e Statusit “Dëshmor i Atdheut” në Këshillin e Qarkut Berat.
2. Me zbatimin e këtij vendimi ngarkohet Komisioni për shqyrtimin e kërkesave për shpalljen ose njohjen e Statusit “Dëshmor i Atdheut” në Këshillin e Qarkut Berat.
3. Ky vendim hyn në fuqi sipas përcaktimeve të pikës 3 të nenit 78 të ligjit nr. 139/2015 “Për vetëqeverisjen vendore”.

KRYETAR

Donald MOLISHTI



Këshilltar gjithsej: 18

Morrën pjesë në votim: 10

Votuan Pro: 10



REPUBLIKA E SHQIPËRISË
KËSHILLI I QARKUT BERAT

KOMISIONI VENDOR I STATUSIT TË DËSHMORIT TË ATDHEUT

RREGULLORE PËR SHPALLJEN DHE NJOHJEN E STATUSIT

“Dëshmor i Atdheut”

KREU I

DISPOZITA TË PËRGJITHSHME

Neni 1

Objekti

Objekt kësaj rregullore është përcaktimi i kriterëve dhe procedurës për shpalljen ose njohjen e statusit “Dëshmor i atdheut”, si dhe të drejtat e përfitimit që rrjedhin nga ky status.

Neni 2

Qëllimi

Qëllimi i rregullores është unifikimi i procedurës dhe dokumentacionit të nevojshëm për shpalljen ose njohja e statusit “Dëshmor i Atdheut” për personat, të cilët me akte të rralla patriotizmi, vetëmohimi dhe heroizmi, kontribuan në luftën për liri, pavarësi dhe çlirim kombëtar të Shqipërisë, deri në dhënien e jetës, si dhe për personat, të cilët kanë dhënë e japin jetën për mbrojtjen e integritetit territorial, të interesave kombëtarë shqiptarë, në luftën kundër terrorizmit dhe krimit ndaj jetës së individit, mbrojtjen e pronës publike, si dhe në raste fatkeqësish natyrore, në ndihmë të popullsisë.

Neni 3

Subjektet

Subjekte të kësaj rregulloreje janë dëshmorët e atdheut, familjarët e tyre, organizatat e dëshmorëve të atdheut, organet e pushtetit qendror e të njëjësive të vetëqeverisjes vendore, që ngarkohen për ndjekjen dhe zbatimin e detyrimeve që rrjedhin nga kjo rregullore.

KREU II

KRITERET PËR SHPALLJEN OSE NJOHJEN E STATUSIT “DËSHMOR I ATDHEUT”

Neni 4

Përfituesit

Për shpalljen ose njohjen e statusit “Dëshmor i Atdheut” **duhet** të plotësohen kushtet dhe kriteret e poshtëshnuara:

- a) personat, të cilët kanë humbur jetën për lirinë, pavarësinë kombëtare dhe mbrojtjen e territoreve shqiptare apo në përpjekje për mësimin dhe përhapjen e gjuhës shqipe para datës 28 nëntor 1912
- b) shtetasit shqiptarë e të huaj, të cilët kanë rënë në luftë për mbrojtjen e integritetit territorial, të lirisë e pavarësisë së Shqipërisë, si dhe për arsye të kundërshtimit të pushtimit të trojeve shqiptare nga ushtritë e huaja dhe të qëllimeve shoviniste të tyre, nga data 28 nëntor 1912 deri më 7 prill 1939
- c) shtetasit shqiptarë, të cilët kanë humbur jetën në mbrojtje të vlerave kombëtare epatriotike të kombit shqiptar para datës 7 prill 1939
- ç) shtetasit shqiptarë, të cilët kanë marrë pjesë me armë në dorë ose në formë të organizuar në Luftën Antifashiste Nacionalçlirimtare dhe kanë rënë duke luftuar kundër pushtuesve nazifashistë e bashkëpunëtorëve të tyre, nga data 7 prill 1939 deri më 9 maj 1945
- d) shtetasit shqiptarë të pushkatuar për pjesëmarrjen në formacionet luftarake të Luftës Antifashiste Nacionalçlirimtare apo për mbështetje të pjesëmarrësve të Frontit Antifashist Nacionalçlirimtar, si dhe të pushkatuar për hakmarrje nga pushtuesit nazifashistë apo bashkëpunëtorët e tyre, nga data 7 prill 1939 deri më 9 maj 1945
- dh) shtetasit shqiptarë, të cilët janë ekzekutuar apo kanë vdekur në burgjet dhe kampet nazifashiste të përqendrimit apo kanë vdekur si pasojë e plagëve apo sëmundjeve të ndryshme të marra në këto vende deri më 9 maj 1945
- e) shtetasit shqiptarë, pjesëtarë të formacioneve ushtarake të Ushtrisë Nacionalçlirimtare, të cilët kanë rënë në luftën kundër pushtuesve nazifashistë jashtë kufijve shtetërorë deri më 9 maj 1945
- ë) shtetasit shqiptarë, pjesëmarrës në formacione të rregullta të Ushtrisë Nacionalçlirimtare, të cilët kanë humbur jetën brenda datës 9 maj 1947 për shkak të sëmundjeve dhe plagëve të marra ose fatkeqësive të ndryshme, duke qenë në krye të detyrës luftarake
- f) shtetasit shqiptarë që kanë rënë duke luftuar në Spanjë (1936-1939) ose në vende të tjera, të inkuadruar në formacionet e koalicionit antifashist ose kanë vdekur nga plagët apo sëmundjet e ndryshme të marra në këto luftëra deri në 9 maj 1945

g) shtetasit e huaj, pjesëtarë të formacioneve të Ushtrisë Nacionalçlirimtare, që kanë rënë duke luftuar kundër pushtuesve nazifashistë

gj) shtetasit e huaj, pjesëtarë të formacioneve të ushtrive aleate në Luftën e Dytë Botërore, në ndihmë të Ushtrisë Nacionalçlirimtare Shqiptare, të cilët kanë humbur jetën brenda territorit të Shqipërisë

h) shtetasit shqiptarë, të cilët kanë rënë duke luftuar për pavarësinë e Kosovës, si dhe shtetasit shqiptarë të rënë për të drejtat kombëtare në konfliktet e tjera etnike të zhvilluara në Ballkan

i) shtetasit shqiptarë që bien në mbrojtje të integritetit territorial të Republikës së Shqipërisë, mbrojtjen e institucioneve shtetërore nga terrorizmi ose në luftën kundër bandave të armatosura dhe krimit ndaj jetës së individit

j) shtetasit shqiptarë, të cilët vriten nga elementë kriminalë për shkak të detyrës shtetërore që kanë kryer, në luftë kundër krimit dhe përpjekjeve për vendosjen e rendit dhe të qetësisë publike

k) shtetasit shqiptarë që bien në krye të detyrës, për mbrojtjen e paqes dhe të lirisë së kombit shqiptar, ose ata që bien në krye të detyrës me misione në mbrojtje të paqes e të sigurtisë së popujve të tjerë

l) shtetasit shqiptarë që humbin jetën në krye të detyrës, për mbrojtjen e pasurisë publike ose nga rreziqet e fatkeqësisë natyrore

ll) shtetasit shqiptarë të vrarë gjatë tubimeve paqësore dhe pa armë për respektimin e të drejtave dhe lirive themelore të njeriut, si dhe ata që kanë humbur jetën në krye të detyrës në mbrojtje të procesit zgjedhor, pas datës 8 dhjetor 1990;

m) shtetasit shqiptarë, të cilët kanë humbur jetën ose që e humbin jetën në përpjekje për të ndihmuar popullsinë në raste fatkeqësish natyrore, në përpjekje për mbrojtjen e pronës publike ose për shpëtimin dhe mbrojtjen ejetës së individit nga krimi;

n) shtetasit shqiptarë që vriten nga forcat apo elementët antishqiptarë në mbrojtje të flamurit, simboleve kombëtare dhe manifestimit të ndjenjave kombëtare

nj) shtetasit e huaj, pjesëtarë të formacioneve në ndihmë të Forcave të Armatosura të Shqipërisë apo Policisë së Shtetit Shqiptar, të cilët humbin jetën në krye të detyrës, në ndihmë të popullsisë apo në përpjekje kundër terrorizmit ose krimit ndaj jetës së individit

o) shtetasit e huaj, pjesëtarë të formacioneve ushtarake të NATO-s, në ndihmë të Forcave të Armatosura të Republikës së Shqipërisë, që humbin jetën në krye të detyrës, në mbrojtje të integritetit territorial të Republikës së Shqipërisë

p) ekuipazhet, të cilët bien në krye të detyrës shtetërore gjatë fluturimit.

q) shtetasit shqiptarë pjesëmarrës në formacionet e Ushtrisë Nacionalçlirimtare që janë ekzekutuar me vendim të gjyqeve partizane për shkelje të moralit partizan dhe që më vonë ka rezultuar që gjykimi ka qenë i pambështetur në prova.

Neni 5

Përrjashtimi nga statusi “Dëshmor i Atdheut”

Statusin “Dëshmor i atdheut” nuk e përfitojnë personat, të cilët janë dënuar me vendime gjykatë të formës së prerë për:

1. Krime kundër njerëzimit.
2. Bashkëpunim me pushtuesit e vendit.
3. Veprimtari terroriste dhe agjenturore kundër interesave të Shqipërisë.
4. Vrasje me dashje, pas datës 9 maj 1945.
5. Si dhe personat, për të cilët vërtetohet gjyqësisht se vendimi për njohjen e statusit është bazuar në dokumente të falsifikuara

Neni 6

Dokumentet për shpalljen ose njohjen e statusit “Dëshmor i atdheut”

1. Për shpalljen “Dëshmor i atdheut” vlejné si burime parësore dokumente të organeve publike, të krijuara në kohën e ngjarjes dhe, si burime dytësore, botimet me karakter historik, folklorik, publicistik e manuale biografike, të cilat shprehen për ngjarjen.

2. Për njohjen e statusit “Dëshmor i atdheut” vlejné dekretet/vendimet e organeve shtetërore të mëparshme për shpalljen “Dëshmor”, si dhe, në mungesë të tyre, vetëm burimet parësore, sipas pikës 1, të këtij neni.

Dokumentat zyrtare janë:

A. Për ata që janë shpallur dëshmor dhe kërkojnë njohjen.

a. Kërkesë me shkrim e personit që përfaqëson familjen

b. Vendimet dhe dekretet e organeve shtetëror që e kanë shpallur dëshmorë. Në mungesë të dokumentit zyrtar original të organit shtetëror për shpalljen dëshmor të të rënit, kërkuksi duhet të siguroj konfirmim nga institucionet shtetëror si: Presidenca, Arkivi Qëndror i Shtetit, i Ushtrisë, i Rendit Publik dhe i Qarkut. Për sigurimin e dokumentave të nevojshme të interesuarit të bashkëpunojnë me organizatën e dëshmorëve dhe muzeun e qarkut dhe organizatën kombëtare të familjeve të dëshmorëve.

c. Vërtetim nga organizata e familjeve të rrethit dhe në shkallë vendi, muzeu i rrethit (Qarkut) së bashku me kartelën e dëshmorit. Këto dokumenta duhet të kenë reference të qartë dhe të plotë për shpalljen dëshmor.

d. Vërtetim nga sigurimet shoqërore për shpërblim si familje dëshmorë (ose librezë e personit që ka përfituar shpërblim).

e. Çertifikata e gjendjes civile të të rënit (në mungesë, vërtetim nga gjendja civile që vërteton mungesën e dokumentave për shkaqe madhore dhe vërtetim nga ndërmarrja komunale e rrethit për varrimin e të rënit në varrezat e dëshmorëve)

f. Çertifikatë e trungut familjar.

j. Çertifikatë personale e personit të autorizuar nga familja si përfaqësues i saj

k. Prokurë e posaçme ose deklaratë noteriale.

B. Për ata që kërkojnë të shpallen “Dëshmorë Atdheut “

a. Kërkesa me shkrim për tu shpallur Dëshmorë i Atdheut e cila duhet të përmbajë: Identitetin e plotë dhe të saktë të të rënit, jetëshkrimin e tij dhe përshkrimin e saktë të luftimit apo të rrethanave të ngjarjes ku ka mbetur i vrarë sipas dokumentave zyrtare, shtetëtor, njësi partizane (ushtarake) që ka qenë efektiv, vendi, koha dhe rrethanat e rënies.

b. Çertifikatë e gjendjes civile të të rënit dhe çertifikatën e trungut të tij familjar.

c. Çertifikatë personale e personit të autorizuar me prokurë ose deklaratë noteriale nga familja si përfaqësues.

d. Çdo dokument zyrtar me burim arkivor i cili vërteton rënien dëshmorë, nga Arkivi Qendror i Shetit, i Ushtrisë, i Ministrisë së Rendit, dhe Qarkut përkatës si dhe muzeut të rrethit. Dokumenti i lëshuar nga këto institucione duhet të përmbajë referencat e regjistrimit si, institucioni që e lëshon, numri i fondit, numri i fletës dhe viti i arkivimit.

f. Dokumentet duhet të jenë të vulosura qartë me vulën e institucionit që e ka lëshuar, të jenë të firmosura nga titullari i institucionit, të kenë të shënuar qartë numrin e protokollit dhe datën e lëshimit dhe të mos kenë asnjë llojë korigjimi.

g. Emri, Atësia dhe Mbiemri i dëshmorit dhe personit kërkues duhet të përputhen gjerë për gjerë me dokumentin identifikues të gjendjes civile.

Neni 7

Kërkesa për shpalljen “Dëshmorë i atdheut” dhe njohjen e statusit

1. Kërkesa për shpalljen ose njohjen e statusit “Dëshmorë i atdheut” mund të paraqitet nga përfaqësuesi të familjes së të rënit, për të cilin kërkohet që të shpallet ose të njihet “Dëshmorë i atdheut”,

a. Bashkëshorti / bashkëshortja.

b. Fëmijët (me i madhi) përfitues.

- c. Prindërit (nena ose babai).
- d. Vellezërit ose motrat (me i/e madhi/ja) ,
- e. Bashkjetuesit
- dhe. Personat në kujdestari
- f. Përfaqësues të autorizuar të organeve shtetërore
- g. Organizatave të dëshmorëve të atdheut
- gj. Shoqërisë civile
- l. Deputet.

KREU III

ORGANET E PARAQITJES SË KËRKESËS TË PROPOZIMIT DHE MARRJES SË VENDIMIT

Neni 8

Komisioni Qendror i Statusit “Dëshmori i atdheut”

1. Pranë Ministrisë së Mbrojtjes krijohet Komisioni Qendror i Statusit “Dëshmori i atdheut”, i cili është autoriteti që shpall ose njeh statusin “Dëshmor i atdheut”, sipas propozimit të bërë nga këshilli i qarkut, këshilli bashkiak, prefekti ose ministri përkatës për subjektet nën fushën e tyre të përgjegjësisë së tij.
2. Komisioni Qendror i Statusit “Dëshmor i atdheut” është organ kolegjal dhe i përhershëm, i cili përbëhet nga 7 anëtarë. Komisioni kryesohet nga ministri i Mbrojtjes dhe në përbërje ka 4 anëtarë në rang zëvendësministrash dhe 2 anëtarë nga organizatat e mbrojtjes së dëshmorëve.
3. Përbërja dhe rregullat e detajuara për organizimin dhe funksionimin e Komisionit Qendror përcaktohen me vendim të Këshillit të Ministrave, me propozimin e Ministrit të Mbrojtjes.
4. Komisioni Qendror i Statusit “Dëshmor i Atdheut”, për ushtrimin e përgjegjësisë të caktuara në ligj, mbështetet nga një staf teknik. Përgjegjësi i stafit teknik kryen dhe detyrën e sekretarit teknik të Komisionit Qendror.
5. Anëtarët e Komisionit Qendror të Statusit “Dëshmor i atdheut” marrin shpërblim financiar për pjesëmarrjen në mbledhjet e Komisionit Qendror sipas legjislacionit në fuqi. Këshilli i Ministrave cakton masën e shpërblimit si dhe institucionin që kryen pagesën.
6. Propozimet e dërguara nga këshillat e qarqeve, shqyrtohen nga Komisioni Qendror, brenda 3 muajve, nga afati i regjistrimit në sekretarinë e Komisionit Qendror
7. Komisioni Qendror raporton para Këshillit të Ministrave, të paktën 1 herë në vit, për punën e bërë për statusin e “Dëshmorit të atdheut”, si dhe në Komisionin për Sigurinë Kombëtare.

Neni 9

Komisionet vendore

1. Pranë këshillave të qarqeve, bashkive dhe pranë prefekturave ngrihen dhe funksionojnë komisione për shqyrtimin e kërkesave për shpalljen ose njohjen e statusit të “Dëshmorit të atdheut”.
2. Kërkesa për shpalljen ose njohjen e statusit “Dëshmor i atdheut”, së bashku me dokumentet shoqëruese, i paraqiten komisionit për shqyrtimin e kërkesave pranë këshillit të qarkut, këshillit bashkiak ose prefektit ku ka vendbanimin familja e të ndjerit që kërkohet të shpallet ose të njihet si “Dëshmor i atdheut”.
3. Komisioni, brenda 1 muaji nga depozitimi i kërkesës, shqyrtojn kërkesat dhe dokumentet shoqëruese, të cilat relatohen, përkatësisht, në këshillin e qarkut, për të vendosur lidhur me kërkesën e bërë.
4. Këshilli i qarkut, merr vendim brenda 1 muaji nga relatimi nga komisioni përkatës, për dërgimin ose jo të propozimit për trajtim pranë Komisionit Qendror të Statusit “Dëshmor i atdheut”.
5. Mënyra e organizimit dhe funksionimit të komisionit për shqyrtimin e kërkesave për dhënie ose njohjen e statusit “Dëshmor i atdheut” miratohen sipas përkatësisë, me vendim të këshillit të qarkut.
6. Komisioni i Statusit të Dëshmorit të Atdheut pranë Këshillit të Qarkut, bën pranimin e dokumentave të personit që kërkon njohjen e Statusit të Dëshmorit të Atdheut, brenda juridiksionit të qarkut.

Neni 10

Organizimi dhe funksionimi i Komisionit

1. Komisioni i Këshillit të Qarkut për statusin e “Dëshmorit të Atdheut” perbehet nga personat që permbjan keto funksione:

a) Kryetari /ja i/e Këshillit të Qarkut	Kryetar
b) Përgjegjësi i Sektorit Juridik të Qarkut	Anëtar
c) Drejtori Rajonal i Sigurimeve Shoqërore	Anëtar
d) Përgjegjësi i Arkivit Shtetëror të Qarkut	Anëtar
e) Kryetar i organizates së Dëshmoreve të Atdheut të Qarkut	Anëtar
2. Mbledhja e Komisionit zhvillohet kur janë të pranishem me shume së gjysma e anëtarve, me kusht që kryetari të jetë present në çdo mbledhje.
3. Në mbledhjen e komisionit mbahet prçesverbal ku shënohen të gjitha diskutimet që bëhen nga anëtarët e komisionit dhe vendimi përfundimtar në bazë të votimit. Procesverbali firmoset nga anëtarët pjesmarrës në mbledhje.

4. Komisioni i Statusit të Dëshmorit të Atdheut pranë Keshillit të Qarkut merr në shqyrtim kërkesat dhe dokumentat e paraqitura sipas radhës që janë depozituara një për një (si rregull në fillim shqyrtohen kërkesat, që shoqerohen me dokumenta që kanë vendimet e organeve shtetërore për shpalljen dëshmor)

5. Kur dokumentat nuk plotesojnë kërkesat teknike, komisioni ia bën të njohura kërkesit dhe rekomandon plotesimin e tyre.

KREU IV

VARREZAT E DËSHMORËVE DHE CEREMONITË NË NDERIM TË TYRE

Neni 11

Vendprehja e dëshmorëve të atdheut

1. Në shenjë nderimi, përkujtimi dhe mirënjohjeje kombëtare për dëshmorët e atdheut janë ndërtuar dhe do të ndërtohen varrezat ku prehen dëshmorët e atdheut.
2. Ndërtimi, mirëmbajtja dhe ruajtja e varrezave të dëshmorëve të atdheut bëhet nga shteti, sipas rregullave e procedurave të përcaktuara me vendim të Këshillit të Ministrave.
3. Çdo dëshmor ka një varr në varrezat e dëshmorëve të atdheut, të ngritur në territorin e qarkut ku ka rënë ose ka pasur vendbanimin, me përjashtim të atyre që prehen në varrezën e dëshmorëve të atdheut “Nëna Shqipëri”, në kryeqytet.
4. Varrimi i dëshmorit të atdheut apo rivarrimi i mbetjeve mortore të tij në varrezën e dëshmorëve të atdheut “Nëna Shqipëri”, në kryeqytet, bëhet me vendim të Komisionit Qendror të Statusit “Dëshmor i atdheut”, me kërkesë të këshillit bashkiak, këshillit të qarkut, prefektit ose ministrit.
5. Varrimi i dëshmorit të atdheut apo rivarrimi i mbetjeve mortore të tij në varrezat e dëshmorëve të atdheut në qarqet përkatëse bëhet me vendim të këshillit të qarkut, këshillit bashkiak ose të prefektit.
6. Për dëshmorët e atdheut, të cilëve nuk u janë gjetur eshtrat, në brendësi të territorit të varrezave të dëshmorëve të atdheut mund të vendosen ndërtime monumentale apo pllaka përkujtimore me emrat dhe të dhënat e tyre.
7. Në varrezat e dëshmorëve të atdheut, në shenjë nderimi, qëndron gjithmonë i ngritur flamuri kombëtar.
8. Varrezat e dëshmorëve të atdheut mbajnë statusin e varrezave monumentale dhe trajtohen si monument kulture, sipas parashikimeve të legjislacionit në fuqi për shërbimin publik të varrimit dhe për trashëgiminë kulturore.
9. Në vendvarrimet e dëshmorëve të atdheut zhvillohen ceremoni zyrtare dhe homazhe.

10. Në varrezat e dëshmorëve të atdheut nuk lejohen të varrosen persona të tjerë apo mbetjet e tyre mortore që nuk kanë statusin e “Dëshmorit të atdheut”.

11. Shpenzimet e varrimit të dëshmorëve të atdheut ose të rivarrimit të mbetjeve të tyre mortore të përballohen dhe të parashikohen nga buxheti i shtetit.

Neni 12

Ceremonia e varrimit të dëshmorit të atdheut

Varrimi i dëshmorit të atdheut apo rivarrimi i mbetjeve mortore të tij bëhet me ceremoni zyrtare, me arkivol të mbuluar me flamurin kombëtar.

Neni 13

Objektet në nderim të dëshmorëve të atdheut

1. Në shenjë nderimi për dëshmorët e atdheut, me vendim të këshillit të qarkut, prefektit ose me urdhër të ministrit, brenda territoreve nën juridiksionin e tyre ngrihen, mirëmbahen dhe ruhen, sipas përgjegjësisë përkatëse lapidare, pllaka përkujtimore, përmendore si dhe emërtohen mjedise e institucione publike.

2. Zhvendosja e përmendoreve, lapidarëve, pllakave përkujtimore, si dhe e objekteve të tjera, që kanë lidhje me dëshmorët e atdheut, bëhet vetëm në raste të veçanta, kur këto e kërkojnë interesi publik dhe me vendim/urdhër të autoritetit që i ka ngritur ato.

3. Zhvendosja e përmendoreve, lapidarëve, pllakave përkujtimore, si dhe e objekteve të tjera, që kanë lidhje me dëshmorët e atdheut, të ngritura nga organe shtetërore, të cilat nuk ekzistojnë më, bëhet me vendim të këshillit bashkiak, në juridiksionin territorial të të cilit ndodhen këto objekte, ose me urdhër të ministrit, në rastet kur këto objekte ndodhen në pronat e paluajtshme në përgjegjësi administrimi të ministrisë përkatëse.

Neni 14

Dita përkujtimore e dëshmorëve të atdheut

Dita përkujtimore e dëshmorëve të atdheut është 5 maji.

Neni 15

Organizimi i ceremonive përkujtimore

Organet e pushtetit qendror e vendor, shoqëria civile, si dhe organizatat e dëshmorëve të atdheut organizojnë dhe marrin pjesë në ceremonitë përkujtimore për dëshmorët e atdheut me rastin e 5 majit dhe 28 e 29 nëntorit.

KREU V

FAMILJA E DËSHMORËVE DHE SIMBOLET NË NDERIM TË TYRE

Neni 16

Familja e dëshmorit të atdheut

1. Familjet e dëshmorëve të atdheut gëzojnë nderim e përkrahje të veçantë nga shteti. Ato përfitojnë shpërblim financiar mujor, kriteret dhe masa e të cilit përcaktohen me vendim të Këshillit të Ministrave, me propozim të Ministrit të Mbrojtjes.
2. Në rrethin e familjarëve, për efekt shpërblimi, bëjnë pjesë bashkëshorti/ bashkëshortja, fëmijët nën moshën 18 vjeç ose deri në 25 vjeç, kur kryejnë studimet e larta, prindërit bashkëjetues dhe personat në kujdestari, sipas certifikatës së gjendjes familjare në çastin e vdekjes së dëshmorit të atdheut.
3. Shpërblimi ndërpritet kur asnjëri nga familjarët nuk plotëson kushtet e përcaktuara në pikën 2, të këtij neni, dhe kur bashkëshortja/bashkëshorti i dëshmorit të atdheut martohet përsëri.
4. Shpërblimi familjar tërhiqet nga secili familjar, sipas pjesës që i përket, nga kujdestari ligjor për fëmijët nën moshën 18 vjeç ose nga përfaqësuesi i pajisur me prokurë.
5. Në familjen e dëshmorit të atdheut, për efekt nderimi dhe mirënjohjeje, përfshihen bashkëshorti/bashkëshortja, bashkëjetuesi/bashkëjetuesja, fëmijët, prindërit, vëllezërit dhe motrat, prindërit e prindërve, emti, emta, thjeshtri, thjeshtra, mbesat dhe nipërit e dëshmorit.
6. Familjarët e dëshmorëve të atdheut, sipas pikës 2, të këtij neni, pranohen në programet e mbrojtjes sociale.

Neni 17

Simbolet e statusit “Dëshmor i Atdheut”

1. Familja e dëshmorit të atdheut pajiset nga Komisioni Qendror i Statusit “Dëshmor i atdheut” me certifikatën e dëshmorit të atdheut dhe simbolin “Familje e dëshmorit të atdheut”, me ceremoni zyrtare, që zhvillohen për këtë rast.
2. Procedura e organizimit të ceremonisë së dorëzimit të certifikatës dhe simboleve të dëshmorit të atdheut, si dhe forma dhe përmbajtja e tyre përcaktohen me vendim të Komisionit Qendror të Statusit “Dëshmor i atdheut”.

KREU VI

SHOQATAE FAMILJEVE TË DËSHMORËVE TË ATDHEUT

Neni 18

Organizatat e dëshmorëve të Atdheut

Në nderim të dëshmorëve të atdheut dhe të promovimit të veprës së tyre mund të krijohen organizata jofitimprurëse (shoqata, fondacione, qendra), veprimtaria e të cilave zhvillohet në mënyrë të pavarur nga organet shtetërore, që veprojnë e përmbushin detyrimet, sipas dispozitave

Neni 19

Organizimi i familjeve të dëshmorëve

1. Familjet e dëshmorëve të atdheut mund të organizohen në organizatat e tyre.
2. Familja e dëshmorit të atdheut dhe organizata e tyre kanë të drejtë të kërkojnë nga organet e njësive të vetëqeverisjes vendore e qendrore marrjen e masave për mirëmbajtjen e varrezave të dëshmorëve të atdheut, të lapidarëve, busteve, pllakave përkujtimore, si dhe çdo kërkesë tjetër të ligjshme në lidhje me dëshmorët e atdheut.

Neni 20

Marrëdhëniet e organizatave me organet shtetërore

1. Shteti mbështet dhe nxit veprimtaritë e organizatave që kanë si objekt të veprimtarisë së tyre dëshmorët e atdheut.
2. Organet e qeverisjes qendrore dhe vendore bashkëpunojnë me organizatat e familjeve të dëshmorëve të atdheut për organizimin dhe zhvillimin e aktivitete në kuadër të festave kombëtare e vendore, si dhe të aktiviteteve që organizohen në kujtim të veprës së dëshmorëve të atdheut.

KREU VII

E DREJTA E ANKIMIT

Neni 21

Ankimi

1. Kundër vendimit të këshillit të qarkut që refuzon të pranojë kërkesën ose kur këto organe nuk marrin në shqyrtim kërkesën brenda afateve të parashikuara nga kjo rregullore subjektet e interesuara mund të paraqesin ankim pranë Komisionit Qendror të Statusit "Dëshmor i atdheut", brenda 30 ditëve nga marrja dijeni për refuzimin apo nga data e mbarimit të afatit ligjor për marrjen në shqyrtim të kërkesës.
2. Kundër vendimit të Komisionit Qendror të Statusit "Dëshmor i atdheut", si dhe në rastet kur ky komision nuk shprehet brenda afateve të përcaktuara për propozimet e dërguara nga këshilli i qarkut të cilat shqyrtohen nga Komisioni Qendror, brenda 3 muajve, nga afati i regjistrimit në sekretarinë e Komisionit Qendror. Subjektet e interesuara mund të paraqesin ankim pranë gjykatës kompetente, në përputhje me rregullat e parashikuara nga legjislacioni në fuqi për gjykatat administrative dhe gjykimin e mosmarrëveshjeve administrative.

KREU VIII

DISPOZITA TË FUNDIT

Neni 22

Ndryshime të rregullores

Çdo ndryshim në këtë rregullore bëhet me vendim të Këshillit të Qarkut Berat.

Neni 23

Hyrja në fuqi

Kjo rregullore hyrë në zbatim pas miratimit nga Këshilli i Qarkut Berat.

Berat. 29.06 2021